



1A SESSIONE ORDINARIA PE U2017

RIUNIONE DI I 27 È 28 D'APRILE

N° 2017/O1/026

QUISTIONE ORALE SPOSTA DA U GRUPPU « FRONT NATIONAL »

OGETTU : Sviluppo di u Nautisimu è di a Piacenza.

Sgiò Presidente,

Cù i so 1000 Chilometri di coste, a Corsica benefizieghja d'una situazione è d'un'apertura marittima eccezzunale in u Mediterraniu.

I paisaggi custieri è marini, a qualità di l'acque, u clima, sò altri è tanti vantaghji da chì u nautisimu è a piacenza diventinu vantaghji economici maiò.

A Corsica pussede 18 porti di piacenza è qualchì ammogliu organizatu pè un tutale di à pocu pressu 7000 piazze, cun solu 2400 piazze riservate à i battelli di passeghju. Issi sciffri sò insuficenti in raportu cù a dumanda lucale è a dumanda di a piacenza.

Pè parangone, a città di Marseglia pussede 6 porti di piacenza per un tutale di 7000 à pocu pressu è le Grau du Roi, cumuna di 8500 abitanti, benefizieghja d'un portu di piacenza di 4600 piazze, Port Camargue, chì ne face u primu portu di piacenza d'Europa.

In Corsica, parechje intraprese campanu per via di l'industria di u nautisimu è di a piacenza, ma ùn si ponu sviluppà per via di u mancu di piazze in i porti è quellu d'infrastrutture specializzate. (Basca di travagliu, postu à l'asseccu etc...)

Eppuru esiste è cresce a dumanda.

Cuncerna tutti i settori : guardianatu, invernera, intratenimentu, ecchippamentu, ricundizionamentu, rinnovu, per un'attività economica chì si sparghje nantu à l'annu sanu.

Malgratu un persunale qualificatu assai, issi mercati à benefiziu forte arricchiscenu altri porti di u Mediterraniu piuttosto ch'è a Corsica.

Sgiò presidente, a Corsica si hè pè furtuna duttata di u so Shema d'Accunciamentu, di sviluppu è di prutezzione di a Muntagna Corsa 2017-2023, à l'altezza di 182,3 milioni d'euri.

Ùn saria urgente di mette in ballu un Schema veru D'accunciamentu è di Sviluppu di u Nautisimu è di a Piacenza Corsa è di duttà lu in cunsequenza ?